

古韻文背誦與理解

(一) 李白〈將進酒〉

君不見、黃河之水天上來，奔流到海不復回？君不見、高堂明鏡悲白髮，
朝如青絲暮成雪？人生得意須盡歡，莫使金樽空對月。天生我材必有用，
千金散盡還復來。烹羊宰牛且為樂，會須一飲三百杯。

岑夫子，丹丘生，將進酒，杯莫停。與君歌一曲，請君為我側耳聽：

鐘鼓饌玉不足貴，但願長醉不願醒。古來聖賢皆寂寞，惟有飲者留其名。

陳王昔時宴平樂，斗酒十千恣譔譔。主人何為言少錢？徑須沽取對君酌。

五花馬，千金裘，呼兒將出換美酒，與爾同銷萬古愁。

(二) 杜甫〈茅屋為秋風所破歌〉

八月秋風高怒號，卷我屋上三重茅。茅飛渡江灑江郊，

高者掛罥（罥：ㄌㄧㄣˇ、捕捉鳥獸的網）長林梢，下者飄轉沉塘坳。

南村群童欺我老無力，忍能對面為盜賊。公然抱茅入竹去，脣焦口燥呼不得。

歸來倚杖自歎息。俄頃風定雲墨色，秋天漠漠向昏黑。

布衾多年冷似鐵，嬌兒惡臥踏裡裂。牀頭屋漏無乾處，雨腳如麻未斷絕。

自經喪亂少睡眠，長夜沾溼何由徹？

安得廣廈千萬間，大庇天下寒士俱歡顏，風雨不動安如山。

嗚呼！何時眼前突兀見此屋，吾廬獨破受凍死亦足